



Broj: 10/E-11-6200/22
Sarajevo, ~~01-11-2022~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) (u daljem tekstu: Zakon), člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog Komisije za nabavku roba, usluga i radova I (u daljem tekstu: Komisija I), u postupku javne nabavke za izvođenje radova na izgradnji street workout fitness parka na otvorenom na lokalitetu u ulici Franca Lehara, putem konkurentskog zahtjeva za dostavu ponuda (Zapisnik o pregledu i ocjeni ponuda broj: 10/E-11-6200/22 od 31-10-2022 godine), Opštinski načelnik d o n o s i

ODLUKU O IZBORU NAJPOVOLJNIJEG PONUĐAČA

- I. Prihvata se ponuda ponuđača „**FLEX INVEST**“ d.o.o. Sarajevo, ulica **Vilsonovo šetalište broj 10, 71 000 Sarajevo**, broj: P – 2022-270 od 19.10.2022. godine, za izvođenje radova na izgradnji street workout fitness parka na otvorenom na lokalitetu u ulici Franca Lehara, putem konkurentskog zahtjeva za dostavu ponuda, u ukupnom iznosu **16.501,50 KM bez PDV-a**, odnosno u iznosu od **19.306,76 KM sa PDV-om i rokom izvođenja 15 (petnaest) kalendarskih dana**.
- II. Izabrani ponuđač je dužan dokaze iz tačke III, pod 1) TD (Lična sposobnost), u skladu sa članom 45. Zakona o javnim nabavkama, dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originalne ili ovjerene kopije).
- III. Odluka će se objaviti na web stranici Općine Centar, www.centar.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

Образложење

Postupak za javnu nabavku za izvođenje radova na izgradnji street workout fitness parka na otvorenom na lokalitetu u ulici Franca Lehara, putem konkurentskog zahtjeva za dostavu ponuda, pokrenut je posebnom odlukom Opštinskog načelnika o pokretanju postupka javne nabavke putem konkurentskog zahtjeva za dostavu ponuda, broj: 10/E-11-6200/22 od 28.09.2022. godine. Nabavka nije podijeljena na lotove.

Obavještenje o nabavci broj: 848-7-3-179-3-121/22 objavljeno je dana 03.10.2022. godine na Portalu E-nabavke, shodno članu 88. stav (1) Zakona. Ispravka obavještenja o nabavci broj: 848-7-3-179-8-129/22 objavljena na Portalu e-Nabavke dana 11.10.2022. godine.

Procijenjena vrijednost javne nabavke bez PDV-a iznosi 25.000,00 KM.

U roku za predaju ponuda koji je određen tenderskom dokumentacijom (21.10.2022. godine do 11:00 sati), na adresu Ugovornog organa su pristigle dvije (2) ponude i to od ponuđača: 1. „FLEX INVEST“ d.o.o. Sarajevo i 2. „BABEL“ d.o.o. Sarajevo.

U skladu sa članom 63. Zakona o javnim nabavkama BiH, Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda, kako slijedi:

R/b	Ponuđač	Ukupna cijena ponude u KM bez PDV-a	Popust	Ukupna cijena u KM sa PDV-om	Rok izvođenja radova
1.	„FLEX INVEST“ d.o.o. Sarajevo	16.501,50	/	19.306,76	15 kalendarskih dana

R/b	Ponuđač	Ukupna cijena ponude u KM bez PDV-a	Popust	Ukupna cijena u KM sa PDV-om i popustom	Rok izvođenja radova
2.	"BABEL" d.o.o. Sarajevo	15.790,00	/	18.474,30	15 kalendarskih dana

Nakon izvršenog javnog otvaranja ponuda, na zatvorenom sastanku Komisija I je pristupila detaljnoj analizi dokumentacije priložene uz ponude u smislu provjere njihove potpunosti i ispravnosti, kao i usklađenosti sa zahtjevima ugovornog organa iskazanim u tenderskoj dokumentaciji; pravilima propisanim Zakonom o javnim nabavkama; Uputstvom za pripremu modela tenderske dokumentacije i podzakonskim aktima.

Komisija I je osnovu pregleda ustanovila da ponuda ponuđača „BABEL“ d.o.o. Sarajevo nije prihvatljiva iz razloga što ponuđač nije u ponudi dostavio dokumentaciju koja je tražena tenderskom dokumentacijom, a kojim dokazuje ispunjenost zahtjeva iz tačke 1.4. Tehnička i profesionalna sposobnost, podtačka 1.4.2. pod c).

U ponudi je ponuđač „BABEL“ d.o.o. Sarajevo dostavio kataloški list iz kojeg se ne vide tražene tehničke i ostale karakteristike ponuđene robe.

Komisija I je ustanovila da ponuda ne može biti predmet vrednovanja jer nije pripremljena u skladu sa zahtjevima i kriterijima tenderske dokumentacije. U skladu sa prednje izloženim Komisija I je zaključila da se ponuda odbacuje kao nepotpuna u skladu sa članom 68. stav (4) tačka i) Zakona o javnim nabavkama.

Prema odredbama člana 68. stav (4) tačka i) Zakona o javnim nabavkama BiH Ugovorni organ dužan je odbaciti ponudu u slučajevima kada ponuda ponuđača nije potpuna i ne ispunjava zahtjeve iz tenderske dokumentacije.

Slijedom prednje navedenog Komisija I je iz daljeg postupka ocjene i evaluacije ponuda isključila ponudu ponuđača „BABEL“ d.o.o. Sarajevo, a o razlozima isključenja navedeni ponuđač je obaviješten dostavom dopisa broj: 10/E-11-6200/22 od 21.10.2022. godine.

Komisija I je izvršila detaljnu provjeru računске ispravnosti pristigle ponude ponuđača „FLEX INVEST“ d.o.o. Sarajevo, za koju je utvrđeno da je formalno-pravno, tehnički i ekonomski ispravna i prihvatljiva, i pri tome nije pronađena niti jedna računska greška.

Rangiranje prihvatljivih ponuda prema kriteriju za izbor ponude „ekonomski najpovoljnija ponuda“ na osnovu člana 64. stav (1) tačka a) Zakona o javnim nabavkama, u skladu sa definisanim potkriterijima, uz primjenu izračuna broja bodova prema Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijeg ponuđača, kao sastavnom dijelu tenderske dokumentacije:

R/b	Ponuđač	Potkriterij	
		Cijena 60% (sa PDV-om i popustom)	Rok izvođenja radova 40%
1.	„FLEX INVEST“ d.o.o. Sarajevo	$19.306,76/19.306,76 \times 60 = 60$ bodova	$15/15 \times 40 = 40,00$ bodova

Nakon bodovanja po osnovu utvrđenih potkriterija ekonomski najpovoljnije ponude, Komisija I je izvršila rangiranje ponude:

R/b	Ponuđač	Broj bodova	Rang
1.	„FLEX INVEST“ d.o.o. Sarajevo	100	1

Cijeneći sve prednje navedeno Komisija I je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

ponuđača „FLEX INVEST“ d.o.o. Sarajevo, ulica Vilsonovo šetalište broj 10, 71 000 Sarajevo, broj: P-2022-270 od 19.10.2022. godine, za izvođenje radova na izgradnji street workout fitness parka na otvorenom na lokalitetu u ulici Franca Lehara, putem konkurentskog zahtjeva za dostavu ponuda, u ukupnom iznosu od **16.501,50 KM bez PDV-a**, odnosno u iznosu od **19.306,76 KM sa PDV-om i rokom izvođenja 15 (petnaest) dana**.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda
broj: 10/E-11-6200/22 od 31-10-2022 . godine

Izrada: I

Kontrola i saglasnost:

DOSTAVITI:

1. „FLEX INVEST“ d.o.o. Sarajevo, ulica Vilsonovo šetalište broj 10, 71 000 Sarajevo
2. „BABEL“ d.o.o. Sarajevo, ulica Marka Marulića broj 2, 71 000 Sarajevo
3. Služba za prostorno uređenje i investicije
4. Kabinetu općinskog načelnika - Odsjek za javne nabavke
5. Službi za finansije
6. U spis
7. Evidencija